

ЎЗБЕКИСТОН РЕСПУБЛИКАСИ ТАШҚИ САВДО ВАЗИРЛИГИ
ЎЗБЕКИСТОН РЕСПУБЛИКАСИ ТАШҚИ ИШЛАР ВАЗИРЛИГИ
ЎЗБЕКИСТОН РЕСПУБЛИКАСИ МАДАНИЯТ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ БОЖХОНА ҚҮМИТАСИ
ҚАРОРИ


Хорижий мамлакатларда ўтказиладиган кўргазма, танлов ва ярмаркаларда намойиш этиш учун хунармандчилик маҳсулотлари олиб чиқилишининг соддалаштирилган тартиби тўғрисидаги низомни тасдиқлаш ҳақида

Ўзбекистон Республикаси Президентининг 2017 йил 17 ноябрдаги ПФ-5242-сонли “Хунармандчиликни янада ривожлантириш ва хунармандларни ҳар томонлама қўллаб-куватлаш чора-тадбирлари тўғрисида”ги Фармони ҳамда Ўзбекистон Республикаси Президентининг 2017 йил 17 ноябрдаги ПҚ-3393-сонли “Хунарманд” уюшмаси фаолиятини янада такомиллаштириш чора-тадбирлари тўғрисида”ги қарорига мувофиқ Ўзбекистон Республикаси Ташқи савдо вазирлиги, Ташқи ишлар вазирлиги, Маданият вазирлиги ва Давлат божхона қўмитаси қарор қиласи:

- Хорижий мамлакатларда ўтказиладиган кўргазма, танлов ва ярмаркаларда намойиш этиш учун хунармандчилик маҳсулотлари олиб чиқилишининг соддалаштирилган тартиби тўғрисидаги низом иловага мувофиқ тасдиқлансан.
- Мазкур қарор расмий эълон қилинган кундан эътиборан кучга киради.


Ташқи савдо вазири

Тошкент ш.,
2018 йил “09” айриб
2018/05-02 - сон


Ж. Ходжаев

Ташқи ишлар вазири

Тошкент ш.,
2018 йил “09” айриб
29 - сон


А. Камилов

Маданият вазири

Тошкент ш.,
2018 йил “09” айриб
9 - сон


Б. Сайфуллаев

Давлат божхона қўмитаси раиси

Тошкент ш.,
2018 йил “09” айриб
01-02/12-21 - сон


М. Азимов

Ўзбекистон Республикаси Ташки савдо вазирлиги,
Ўзбекистон Республикаси Ташки ишлар вазирлиги,
Ўзбекистон Республикаси Маданият вазирлиги,
Ўзбекистон Республикаси Давлат божхона қўмитасининг
2018 йил 2018 йил 9 апрелдаги
2018/05-02, 29, 9, 01-02/12-21-сон қарорига
ИЛОВА

**Хорижий мамлакатларда ўтказиладиган кўргазма, танлов ва ярмаркаларда
намойиш этиш учун хунармандчилик маҳсулотлари олиб чиқилишининг
соддалаштирилган тартиби тўғрисидаги
НИЗОМ**

Ушбу Низом Ўзбекистон Республикаси Президентининг 2017 йил 17 ноябрдаги
ПФ-5242-сон “Хунармандчиликни янада ривожлантириш ва хунармандларни ҳар
томонлама қўллаб-куватлаш чора-тадбирлари тўғрисида”ги Фармонига асосан хорижий
мамлакатларда ўтказиладиган кўргазма, танлов ва ярмаркаларда намойиш этиш учун
хунармандчилик маҳсулотлари олиб чиқилишининг соддалаштирилган тартибини
белгилайди.

1-боб. Умумий қоидалар

1. Мазкур Низом “Хунарманд” уюшмаси аъзоси ҳисобланувчи хунармандчилик субъектларига (бундан буён матнда хунарманд деб юритилади) нисбатан қўлланилади.
2. Ўзбекистон Республикаси Президентининг 2017 йил 29 декабрдаги ПҚ-3451-сон “Хорижий давлатларда кўргазма тадбирларини ўтказиш учун мўлжалланган товарларни олиб чиқиш тартибини соддалаштириш чора-тадбирлари тўғрисида”ги қарорига асосан хунарманд хорижий давлатларда ўтказиладиган кўргазма, танлов ва ярмаркаларда намойиш этиш учун мўлжалланган қиймати 5 000 (беш минг) АҚШ долларигача бўлган хунармандчилик маҳсулотларни экспорт контракти тузмасдан ҳамда божхона юк декларациясини расмийлаштирасдан олиб чиқиши мумкин.

2-боб. Хунармандчилик маҳсулотларини олиб чиқиш

3. Хунарманд хорижий мамлакатларда ўтказиладиган кўргазма, танлов ва ярмаркаларда намойиш этиш учун хунармандчилик маҳсулотларни олиб чиқишида “Хунарманд” уюшмаси Бадиий кенгашининг (бундан буён матнда Бадиий кенгаш деб юритилади) хulosаси ва Ўзбекистон Республикаси Маданият вазирлиги хузуридаги Бадиий экспертиза бошкармасининг (бундан буён матнда Бадиий экспертиза бошкармаси деб юритилади) сертификатини олиши лозим.

4. Хунармандчилик маҳсулотларини хорижий давлатларда ўтказиладиган кўргазма, танлов ва ярмаркаларда намойиш этиш учун олиб чиқишида Бадиий кенгашнинг хulosаси (бундан буён матнда хulosаси деб юритилади) товарнинг кузатув ҳужжати ҳисобланади.

5. Хунармандлар ўзлари ишлаб чиқарган хунармандчилик маҳсулотларини хорижий мамлакатларда ўтказиладиган кўргазма, танлов ва ярмаркаларда намойиш этиш учун Бадиий кенгашга тақдим этади.

6. Бадиий кенгаш хунармандчилик маҳсулотларини бир кун муддатда ўрганиб чиқиб, уларни Ўзбекистон Республикаси Президентининг 2017 йил 17 ноябрдаги ПФ-5242-сон Фармони билан тасдиқланган Хунармандчилик фаолиятининг асосий



йўналишлари, хунармандлар томонидан ишлаб чиқариладиган буюмлар ва товарлар (иш, хизмат кўрсатиш) турларининг рўйхатидаги маҳсулот турларига мослигини ва таннархини аниқлаб, тегишли хулоса беради.

7. Хулосада олиб чиқиладиган хунармандчилик маҳсулотларининг номи, миқдори, қиймати, режалаштирилган кўргазма, танлов ва ярмаркаларнинг ўтказилиш санаси ва жойи тўғрисидаги маълумотлар кўрсатилади.

8. Хулосада кўрсатилган маълумотларнинг ишончлилиги ва тўғрилиги учун хунарманд ва “Хунарманд” уюшмаси жавобгар хисобланади.

9. “Хунарманд” уюшмаси хунармандчилик маҳсулотларини бадиий экспертизадан ўтказиш ва тегишли сертификат расмийлаштириш учун хужжатларни Бадиий экспертиза бошқармасига тақдим этади.

10. Қиймати 5 000 (беш минг) АҚШ долларидан юкори бўлган хунармандчилик маҳсулотларини божхона расмийлаштируви умумий тартибда амалга оширилади.

11. Хунарманд хорижий давлатларда ўтказиладиган кўргазма ва ярмаркаларда намойиш этиш учун олиб чиқиладиган хунармандчилик маҳсулотларини сотишдан тушадиган маблағларни Ўзбекистон Республикаси тижорат банкларидағи ўз хисобрақамларига, шу жумладан банк ўтказмалари, шунингдек, хорижий валютадаги нақд пул шаклида киритиш хуқуқига эга

12. Хунармандлар мазкур Низомнинг 10-бандида кўрсатиб ўтилган маблағларни эркин тасарруф этиш, шу жумладан банк хисоб рақамларидан нақд пул шаклида олишлари мумкин.

З-боб. Хорижий мамлакатларда ўтказиладиган кўргазма, танлов ва ярмаркаларда хунармандчилик маҳсулотларини намойиш этиш учун кўмаклашиш

13. “Хунарманд” уюшмаси хунармандга улар томонидан ишлаб чиқарилган хунармандчилик маҳсулотларини хорижий мамлакатларда ўтказиладиган кўргазма, танлов ва ярмаркаларда намойиш этиш учун олиб чиқиши ва мазкур тадбирларда катнашишида ҳар томонлама кўллаб-кувватлайди, шунингдек зарурий хужжатларни расмийлаштиришда ҳамда вужудга келадиган муаммо ва камчиликларни бартараф этишда кўмаклашади.

14. Ўзбекистон Республикаси Савдо-саноат палатаси Ташки савдо вазирлиги билан биргаликда “Хунарманд” уюшмасининг хорижий мамлакатлардаги хунармандчилик йўналишида фаолият олиб борувчи ташкилотлар билан ҳамкорлигини йўлга кўйиш ва ривожлантириш, хунармандчилик субъектларининг хорижга амалий ташрифларини ташкил этиш, республика ва хорижда хунармандчилик билан боғлиқ анжуман, савдо-кўргазма ва ярмаркаларни ўтказишда кўмаклашади.

15. Ўзбекистон Республикаси Ташки ишлар вазирлиги томонидан қонун хужжатларига мувофиқ хунармандга хорижга чиқиш ва кириш масаласида ўз ваколати доирасида амалий ёрдам кўрсатилиши таъминланади. Шунингдек, “Хунарманд” уюшмасига элчихоналар ва бошқа хорижий ваколатхоналар билан хунармандчилик йўналиши бўйича алоқаларнинг амалга оширилишида кўмаклашади.

16. “Ўзбекистон ҳаво йўллари” миллий авиакомпанияси хунармандга белгиланган нормадан ортиқ бўлган юклари (хунармандчилик маҳсулотлари) учун амалга ошириладиган тўловларда 25 (йигирма беш) фоиз маҳсус чегирмалар берилишини таъминлайди.

4-боб. Якуний қоида

17. Ушбу Низом Ўзбекистон Республикаси Марказий банки, Савдо-саноат палатаси, “Хунарманд” уюшмаси ва “Ўзбекистон ҳаво йўллари” МАК билан келишилган.

Марказий банк раиси

Тошкент ш.,

2018 йил “___”

Нурмурадов



Савдо-саноат палатаси раиси

Тошкент ш.,

2018 йил “___”

А. Икрамов



“Хунарманд” уюшмаси раиси

Тошкент ш.,

2018 йил “___”

У. Абдуллаев



**“Ўзбекистон ҳаво йўллари”МАК
бош директори в.б.**

Тошкент ш.,

2018 йил “___”

Б. Хакимов

